

續修陝西省通志稿

第九十一冊

卷一百七十五至一百七十六

續修陝西通志稿卷一百七十五

紀事九

平定回匪三

同治三年正月丙寅多隆阿奏據陶茂林呈稱甘肅情形喫緊將鳳翔撫回事暫交慶瑞會同地方官辦理親帶兵勇於十二月十二日馳抵汧陽嗣因賊匪竄至寶雞逼近鳳翔復於十八日折回鳳郡籌辦防勦臣飭該提督將鳳翔撫回事宜迅速料理清楚必須計出萬全俟辦有頭緒即赴汧隴會勦奉諭鳳郡回匪自就撫後猖獗如故朝廷早有所聞著多隆阿加意偵察如竟不妥即令陶茂林痛加勦洗不准稍爲遷就貽患將來慶瑞辦事是否可靠著該大臣留心察看並速飭曹克忠將麟遊一帶之賊尅日掃除

二月壬申多隆阿奏前次鳳翔回匪乞撫經臣奏蒙允派總兵

慶瑞前往會同地方官辦理並頒發條約令其遵守旋據該郡官紳稟稱回衆自奉諭之後陽奉陰違所頒條約亦不肯全遵其非真心向順已可概見當經飛檄陶茂林迅將前留汧陽六營調回鳳翔痛加勦洗該逆探知官軍消息紛竄北山我軍截住山口畧有斬擒現在北山積雪太深一俟天氣稍暖三路進兵不難一鼓撲滅張集馨奏陶茂林咨稱回民張輝馬兆麟私帶馬隊三百餘人由寶雞潛回鳳郡深恐撫局有變現調汧隴營伍先勦鳳郡回逆查回性反復前次多隆阿准其就撫者不過開一面之網許以自新奈該逆佯爲革面實藏禍心不得不轉撫爲勦以爲一勞永逸之計至省城回民壯丁尙有二千餘人鎮撫得宜不至作亂奉諭飭痛加勦辦並將花花廟一帶迅速廓清

鄭士範捍禦回匪紀略二年九月月初陶提

督從統縣鎮率茂寧營三千人至十三日提督進戰告捷人慶門再請生賊旋退入老巢各攜賊棄奔北負隅十月提督進城翌日軍門請余

矣囑至爲今勸捐說兼四示撫十萬告此示余謂要捐五月中唐令多稟少府不費已過詢三十議萬  
而余謂府軍見唐不宰能久霖說鳳翔乘此機會喚麻生兄弟棟入張城守使書人明所白識退  
令良回再喚使入書保之極又使惡者書密其請所識門良正回法餘之悉編此層入層伍取使保贖安罪插  
翁立功恐上我諭未分良莠莠而此反或爲庶幾鋤語也未既終而設唐局辛勸以爲莊迂闊安竟知自溥  
叩勒派應治爵從者通試陶令提麟多遊方附恐陶嚇所來獲者也幾而即威入逼趙紳堂聯黨謂甲自紳裁士  
防府堵詳寶雞出逆乃回已恃而賄撫遠議令終先歸不陶成乃甲幡子然正驅月使口入寇山竄從益緩門追鎮而陶去提  
南蓋爾受時賊盤屋之垂驚克其議中撫存亦稍多怯帥又權爲謀人而煽陶遂動自利誓心因故糧撫於局賊敗戰而城  
門剿亦不出賊成礮擊聲起其門其子惟民樹怨諸良生回也出怨而麻從衆兄弟見良回家變婦以僱來車閉  
請送罪出之營就攻撫村賊堡頭輒怒先馬往挈其出同入學府遠逃麻及樹大難兵來中設潛香約案諸跪生門  
或公曰保其家而人無敢病者死被一脅麻入山如至臨凡陣回坡之二良者堅可臥知不蓋行逆見之殺  
陶甘肅林者多兇惡及而西當同其時賊也境嗟呼冤哉死者按鄭氏所述凡幾如此云則  
矣慘

丁亥多隆阿奏陶茂林軍進勦鳳翔北山回逆甚爲得手敗

匪西竄我軍已抵汧陽曹克忠軍已將麟遊餘匪搜捕殆盡奉諭  
著陶茂林盡力勦洗毋再輕易言撫貽誤事機並飭曹克忠由招  
賢鎮進勦雨亭寺等處之賊期與雷正綰等會同夾擊肅清陝境  
進規平涼 三月壬寅多隆阿奏二月二十三日官軍攻口逆藍  
酋大順於盤屋拔月城二十四日將縣城克復藍逆逸竄南山中  
餘賊擒戮殆盡臣督軍進攻時頭面俱受槍傷流血太多遂至昏  
眩槍子未能取出勢甚沈重懇將欽差大臣關防交西安左翼副  
都統穆圖善暫行署理督辦軍務俾臣得以安心調理奉諭准將  
欽差大臣關防交穆圖善暫行護理督辦軍務 乙酉多隆阿奏  
盤屋逆賊已殲除淨盡隴州回匪經陶茂林連日攻勦均獲全勝  
逆衆奔潰該提督已進紮娘娘廟擬會雷正綰之軍定期夾勦以  
便規取平固陝境回務不日當可肅清報聞並以多隆阿槍子是

否取出該大臣已否回省就醫飭即迅速馳奏 庚戌命欽差大臣西安將軍多隆阿督辦陝西甘肅軍務兩省帶兵各員均歸節制 丁巳多隆阿奏陝西回衆久隸編氓羣萃州處數十萬家食毛踐土二百餘載此次藉端兆禍據地戕官固法所難容亦人所共憤臣仰承廟畧仗鉞專征騰破竹之先聲摧負嵎之兇燄蕩平臨渭洗滌同朝屢出奇謀聿臻全勝提臣雷正綰等統領步卒轉戰邠乾副都統溫德勒克西等督率馬軍奏功汧隴總兵曹克忠殲麟遊之醜類提督陶茂林掃鳳郡之狂氛關日重明隴雲不改此蓋由聖謨廣運郅治中興臣得秉成士皆鼓舞遂使羣兇電滅全陝塵清莫稽黑水之誅迅報紅旗之捷仰瞻魏闕不盡歡欣又奏逆賊麇聚神峪河二月二十八九等日陶茂林分撥各營移紮隴州把關口等處並調張在德五營由高家河李家河擇險駐紮

以防賊竄一面令副將高餘慶等軍由峽口南路同知陶兆熊等軍由峽口中路同時入山攻勦並飭馬隊爲後路接應三月初一日進攻仁崖灣山徑迂曲馬步賊四千餘人兩路擁至該提督豫令一軍埋伏一軍誘敵詭退俟賊陟嶺回隊截殺伏兵紛起逆衆驚潰擊斃無算餘賊竄入張家臺乘勢追殺當將張家臺賊壘蕩平初二日該提督密調茂字五營由桂家山進張在德五營由李家河進張在德先毀秦家溝巢穴會合四路之兵將神峪河賊巢圍定自辰至午該逆抵死抗拒該提督帶隊越澗抄擊並令諸軍連開大礮逆勢不支遂攻克神峪河老巢殺賊千餘人生擒百餘人訊明正法奪獲牛馬器械無數即移紮神峪河上下分兵進勦關山馬鹿鎮等處初三日我軍節節進攻毀賴家山等處逆巢一百餘所奪獲刀矛數百件火繩數十捆鉛子數百斤餘賊向西北

竄逸初四日偵報華亭逆回糾約敗匪圍撲縣城該提督督軍進援裏賊數重四面轟以劈山礮斃悍賊一千餘人華亭城圍立解初五日進勦大小灣峪各處回巢次第平毀陝境一律肅清臣查雷正綰一軍已抵距平涼七十里之白水鎮該提督亦進紮距平涼六十里之策底鎮合攻平涼似易得手現已飭令曹克忠由麟遊移師隴州寶雞以防衝突奉諭本日多隆阿由八百里馳奏全省回務肅清殊涉鋪張陝西回匪自多隆阿入關後節節掃蕩地方漸就肅清惟此項匪徒愍不畏法逃入甘省煽惑良民根株尙未淨絕前經明降諭旨命多隆阿督辦陝甘兩省軍務該將軍正宜乘此聲威督飭各軍分路進勦將回匪悉數殲除俾漢民良回得以安居樂業仰副朝廷除莠安良之意陝南竄匪未除亦應會同劉蓉分兵截勦俾全省一律肅清方爲不負委任朝廷但求實

際不尚虛文該將軍仍當督飭各將士奮力進取以竟全功而膺

懋賞有厚望焉

竄按是時擾陝回逆經多軍次第痛有報捷之畏威後

張然甘與忠勇所竄榆之延賊殆以土匪擾攘朝旨雖不許其騰報肅清第就

事致實甘回又此時應十餘載而後靖斯方為完密惜天未厭亂良將云

險府為中夏立恢拓之基若假手兇渠俾雷轟以西葱嶺以北扼天

以皆故紀新述從詳為異日金之方開建張實其臆矢已未多隆阿又奏臣

於同治元年奉命援陝時回逆數十萬焚掠郡縣猖獗異常臣所

部均係南人北地苦寒水土不服商南勦賊跋涉艱難未免羣生

畏懼迨二次入關往往乘間潛逃不可禁止臣一面設法勸導一

面隨時募補自抵同州每日親督馬步更番出隊軍威大振賊膽

漸寒而兵燹之餘赤地千里軍實所需採買轉運之難實為從來

所未有及王閣村得手之後轉戰而前遂成破竹之勢復派雷正

綰等進勦鳳隴邠乾踞匪臣進攻醴泉以爲策應乃川匪及口捻各逆紛竄陝境不得不分軍扼勦臣親攻盤屋幸即成功全陝軍情已有廓清之勢雖甘省回氛尙熾而雷正綰陶茂林合攻平涼軍聲甚壯靈甯一帶有訥欽統兵進攻或亦不難規復臣已檄曹克忠一軍由麟遊移紮隴州寶雞一帶隘口以防該逆回撲兼爲雷正綰聲援復派副將蘇廷彪統帶駐守潼關兩營並榆林鎮防兵一千駛赴定邊以杜該逆北趨兼爲訥欽後應另派蕭河清所部四營住守潼關臣所部各軍若駐紮西安投閒可惜且陝庫支絀供億維艱因思陳大澹方窺鄂省陳得才久擾豫疆臣軍應援何省伏候諭示遵行正繕摺間奉諭垂詢臣傷病近狀伏讀之下感激涕零臣右眼中槍子雖未取出但與氣血久而連屬亦尙無礙現敷賜藥似漸奏功仰懇續賞兩料以冀速痊所有欽差大

臣關防已於十二日交穆圖善護理又奏臣軍餉項已積欠八九月陝西庫儲久虛鄰省協餉不至各營紛紛請支實屬無款可放聞同朝殷實之戶漸次復業臣現派員會同地方官試行勸辦捐輸如能收有成數應照陝省捐局章程覈請優叙即由臣分起奏報以昭激勸奉諭前命多隆阿督辦陝甘軍務原以該大臣戰功卓著各處踞匪次第盪平而甘省回匪勢甚披猖陝南餘匪尙未撲滅必得該大臣總統諸軍運籌決策乃能所向克捷多隆阿此次摺報自係未接奉前旨故有請旨遵行之奏據奏槍子未出於身體無恙覽奏欣慰仍發如意拔毒散兩料交該大臣祇領趕緊醫治所稱部曲均是南人每以北地苦寒不服水土爲慮自係實情著該大臣毋庸親督各軍深入甘省仍駐西安調理傷病一面將勦辦回匪事宜妥籌調派 四月丙子訥欽奏臣於三月二十

二日統帶直隸官兵馳抵定邊詢及甯靈逃難民人聲稱逆首馬化澂現在靈州金積堡二處操演馬隊並分股各要隘堵截欲遏我兵之路臣本應刻即進取靈州乃續調直晉官兵二千僅到三百名其未到之兵已飛催統帶官趕緊兼程前進署延綏鎮總兵趙延煊在定邊招募勇丁尙未募足且乏餉項軍械臣仍候續調直省官兵彙齊多隆阿馬隊到營部署妥協方能導引一同進攻靈州奉諭都興阿現在由京起程前赴歸綏原令即在歸綏籌辦該處防務本日訥欽奏報馳抵定邊偵探逆首馬化澂操演馬隊欲遏官軍進兵之路等語馬化澂逆燄張甯夏滿城待援孔亟雷正綰兵逼平涼可期得手甯靈一路尤須從定邊及早進兵與雷正綰等軍共收夾擊之效都興阿老於兵事諳練較深著即趕緊由京起程直赴定邊接統訥欽所部各軍速籌進取該將軍到

後即行傳諭訥欽回駐歸綏會同德勒克多爾濟籌辦歸綏防務  
訥欽所部兵勇現有七千餘名著酌撥千餘名交訥欽帶往歸綏  
以資守禦都興阿行抵定邊應如何調度進兵之處著即迅速籌

辦一面奏聞

按陝西西北山防務定邊實為要地於此屯駐重兵足為建威銷萌之計其後回逆侵擾北山卒由甯條梁

及三邊而

入故錄

朝命都張本

丁亥穆圖善奏定邊一路軍務前派副

將蘇廷彪管帶東治兩營馳往防勦嗣因該員威望尙輕恐不足  
以資統攝當改派總兵陳天佑接馳前往並咨商德興阿將所部  
馬隊兩起交副都統西們克西克統帶馳赴訥欽軍營幫同勦賊  
至多隆阿傷病自前月十四夜增劇之後時而清晰時而昏迷現  
仍飭醫診視奉諭以訥欽所部現歸都興阿統帶將來陳天佑西  
們克西克到定邊後即歸都興阿相機調度多隆阿所統馬隊一  
千五百名前已分撥僧格林沁及定邊軍營此外步隊除撥給姜

玉順蕭河清等八千名帶赴鄂省外現存陝省者尙有若干如調撥各省後所存無多不敷防勦即著劉蓉將所部兵勇勻撥若干將陝省邊防妥爲布置仍一面迅速奏聞 庚寅穆圖善奏據曹克忠報該鎮抵隴後即扼紮曹家灣要隘以五營分紮故關四月初六日密調六成隊伍至故關會齊三更出隊黎明馳抵故關山頂俯瞰賊營村落歷歷可數飭副將陳德隆帶同三營由南路進勦長甯驛該鎮自率三營由北路進勦馬鹿鎮各營掩旗息鼓緣山馳下疾趨二十里直抵馬鹿鎮遂分三路衝擊龔良臣一軍由左路抄入朱友文一軍由右路抄入該鎮及聞玉貴一軍由中路呐喊而進刀矛槍礮飛擊如雨斬馘無算該逆捨命狂奔我軍從後追殺出鎮五六里長甯鎮敗匪亦由別路狂奔而前我軍見兩處俱獲大勝勇氣百倍會合一處追殺又五六里已入甘肅清水

縣界生擒逆首阿渾郎成隆一名將馬鹿鎮長甯驛賊巢平毀現  
在陝境一律安堵該鎮仍即回駐隴境嚴防各隘奉諭曹克忠已  
將馬鹿鎮等處賊巢勦洗回駐隴境如省城附近需兵彈壓即調  
駐盤屋一帶以資控制都興阿統兵日久持重老成現帶重兵赴  
定邊一帶著即趲程前進與雷正綰會商妥辦以期節節肅清

是日欽差大臣西安將軍多隆阿卒於軍穆圖善奏多隆阿於二  
月二十三日督陣受傷勢甚沈重自上月十四夜增劇之後其勢  
忽輕忽重本月十三日辰刻痰氣上壅臣及道員李宗燾王開福  
至病榻前詢問該將軍執手歔歔不能成語即於本日未刻出缺  
身後一切事宜臣等妥爲照料奉諭欽差大臣西安將軍多隆阿  
前在湖北帶兵勦賊疊著戰功同治元年率師赴皖攻拔廬州匪  
首陳玉成敗竄被擒伏法旋由湖北督師入陝授爲欽差大臣將

同朝一帶回匪巢穴悉數削平先後克復城寨十數處並分兵解  
鳳翔之圍俾陝省回匪一律肅清厥功尤偉嗣因藍逆占踞盤屋  
縣城屢攻不下該將軍忠勇奮發躬親督戰力拔堅城頭面致受  
槍傷節經賞給內府如意拔毒散及人蔘等件交該將軍祇領方  
冀醫治速痊長資倚畀茲據因傷出缺披覽遺章實深悼惜多隆  
阿著追贈太子太保照將軍陣亡例從優賜卹賞給一等輕車都  
尉世職任內一切處分悉予開復應得卹典該衙門察例具奏並  
准入祀京師昭忠祠其曾經立功省分著各該督撫查明建立專  
祠賞銀一千兩經理喪事由陝西藩庫給發其靈柩回旗時著沿  
途地方官妥爲照料伊子孫幾人著黑龍江將軍查明俟百日孝  
滿後由該旗帶領引見以示篤念忠藎至意

平定關隴紀略多隆阿傷病日劇醫治無

效劉蓉於三月二十六日至盤屋大營看視握手刻竟於盤屋大語  
所擬商撥各營事宜仍未能決至四月十五日未刻竟於盤屋大語

營未因嘗傷控病故使矣天多假隆之阿年則將兵甘以來營規整肅遣愛在之民每戰不必  
克幸如實陝之甘極之乃不蓋幸也惜克蓋逆清伏朝誅政典挈傷重多隆謝阿是欲非度斯隨人勦之  
順回適匪陷先蓋掃屋多漢隆南阿川馳賊軍以清之後藍路會賊偵善守之乃乃選健遁卒而數賊百酋力蓋攻大  
之月藍城密令擒諸也將奮親攻上曰敵不臺日戰賊兩時出賊死必由西九門多近隆山阿設忽伏為破  
槍礮子城中遂傷克左創目甚卒聲於猶不絕是夕有賊七事由西贈方道予伏世職藍酋祀中諡數  
自忠期勇許推多誠忠待勇勤勞所得錄廉公俸性極剛強卒不從徇不為私喜囊怒官生文恭以公忠督義  
盡楚為時戰悉士其購置貧甚征袍以每三千家書委至員輒寄擲去其妻徒孥亂公知方之寸馳耳卒古追所取  
在稱途國而忘家卒挑一是鴨過也駁軍所來極嚴肅犯民間以秋毫然不賞稍宥平嘗允移苦軍  
拔甘與將均由故卒士伍皆樂升於專闡者頗尤知人善任隨才器使將不略者偏私推所  
洵公為最謂戎嗚臣如師公矣者

丙寅劉蓉奏接河州鎮總兵曹克忠咨稱

張家川逆首楊春阿渾穆別仔等突於五月初九日傾巢出竄並  
邀集龍山鎮馬家堡等巢逆衆由閻家店萬坪等處衝至對營嶺